



Aningaasaqarnermut Nunanilu Avannarlerni suleqatigiinnermut Naalakkersuisoq

Ulloq: 8. august 2019
J.nr.: 01.31.06/19-00844

Aningaasaqarnermut Akileraartarnermullu Ataatsimiititaliap pingasunngornermi ulloq 7. august 2019-imi aalajangiineranik Naalakkersuisunut ilisimatitsineq.

Ilaqutariinnut suliaasaqarfimmi atugarissaarnikkut pitsannguutissanut 20.11.70-imut aningaasaliissutaasimasunit Suliniutinut nutaanut sillimmatinit, konto pingaarneq 30.10.45-mut Immikkut ittumik meeqqanut inuusuttunullu suliaasaqarfimmi suliniuteqarnermut aamma 30.01.02-mut Pitsaaliuinnermut Isumaginninnermullu Aqutsisoqarfimmut aningaasanik nuussinikkut ilassutitut aningaasaliinissamut qinnuteqaat - Suliaq nr. 01.31.06/19 – 00844.

"Naalakkersuisut **inassutigaa**,

- Konto pingaarneq 20.11.70 Suliniutinut nutaanut sillimmatinit aningaasaliissutit kr. 7.000.000-nik annikillineqassasut
- Konto pingaarneq 30.10.45 Immikkut ittumik meeqqanut inuusuttunullu suliaasaqarfimmi suliniuteqarnermut aningaasaliissutit kr. 4.400.000-nik aamma
- konto pingaarneq 30.01.02 Pitsaaliuinnermut Isumaginninnermullu Aqutsisoqarfimmut aningaasaliissutit kr. 2.600.000-nik qaffaavigineqassasut."

Aningaasaqarnermut Akileraartarnermullu Ataatsimiititaliap oqaaseqaatai apequtaalu:

Tunumiusut Tusaannga inunnut arfinilinnut - arfineq pingasunut pikkorissarneqartussanik inissaqartumik, ilaatigut suliniutaalluartumik sanasoqarnissaa allanneqassaaq. Tarnimikkut napparsimasunik sullissisussanik Naalakkersuisut immikkut sulisussarsiorniarpat / imaluunniit Tasiilami / Ittoqqortoormiini tarnimikkut napparsimasunik pitsaasumik ikiuisartoqarnissaa qulakkeerneqassava?

Imminut toquttarnerit imminullu toquttarnerpassuit akiorneqarnissaat eqqarsaataasoq ataatsimiititaliamit paasineqarpoq. Imminut toqoriaraluarnemut atatillugu oqaloqateqarnissaq pillugu neqerooruteqartoqartalernissaq (qularnanngitsumik sinerissami allarpasuit assigalugit) Tunumi angorusunneqarmat ataatsimiititaliamit paasilluarneqarpoq. Tamatumunnga atatilugu Naalakkersuisut Har Naalakkersuisut suliaqalersaarpat?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Inussiarnersumik

Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua

INATSISARTUT · PARLIAMENT OF GREENLAND

Postboks 1060 · 3900 Nuuk · ☎ +299 34 50 00 · 📠 +299 32 46 06 · ina@ina.gl · www.ina.gl